

**CUMUNU DE BARRALI  
PROVÌNCIA DE CASTEDDU**

**DELÌBERA DE SA GIUNTA CUMUNALI**  
Nùmeru 60 de su 07-12-2012

<b>Ogetu</b>	<b>TIROCÌNIU FORMATIVU DE AVIAMENTU A SU TRABBALLU</b>
--------------	--

Su seti (7) de su mesi de Idas de su 2012, a sa una (13.00) a de di, in s'ufitziu cumunali, fatas totus is proceduras segundu sa lèi, s'est atobiada sa Giunta Cumunali:

Ddoi funt:

Piga Fausto, SU SÌNDIGU  
Pretta Mario, ASSESSORI  
Lecca Giorgio, ASSESSORI  
Etzi Massimiliano, ASSESSORI  
Usai Maria Bonaria, ASSESSORI

No amancat nisciunus.

Fait su presidenti su Sindigu;  
Atendit su Segretàriu Cumunali dott.ssa MARGHERITA GALASSO.

Giai chi totu est cunfroma a sa lei, su Presidenti oberrit s'assemblea po manixai sa chistioni in ogetu.

	<b>PROPOSTA DE DELÌBERA</b>
	<b>TIROCÌNIU FORMATIVU DE AVIAMENTU A SU TRABBALLU</b>

**SU SÌNDIGU**

POSTU INNANTIS ca cun delibera de sa Giunta Cumunali n.35 de su 03/07.2012, custa aministratzioni, in matèria de política po su trabballu, at dicidiu de fai cumentzai is tirocinius chi s'ghint:

- N° 4 tirocinius in su Servitziu Afàrius Generalis de su Cumunu de Barrali, de sa durada de ses mesis donniunu;

~ N° 2 tirocinius de fai in siendas esternas, de sa durada de ses mesis donniunu, cun cobertura de is ispesas de €. 500,00 lordus a su mesi;

POSTU IN CONTU ca:

- Cun determinatzioni de su Responsàbili Afàrius Generalis N°42 de su 19.07.2012 est istètia fata una seletzioni pùblica po scerai 4 tirocinantis chi trabballessint in is ufizius de su Servìtziu Afàrius Generalis de su Cumunu de Barrali;
- In data 09.08.2012 su bandu de sa seletzioni in ogetu est istètiu publicau in s'albu pretòriu on-line de su Cumunu de Barrali;
- Cun determinatzioni de su Responsàbili de su Servìtziu Afàrius Generalis N° 50 de su 24.09.2012 totus is chi ant presentau domanda ddus ant pigaus in cunsideru, sa graduatòria est istètia aprovada, e is primus duus tiròcinius de s'elencu funt cumentzaus po ses mesis;
- In data 04.10.2012 funt arribbaus a s'Agentzia Regionali po su Trabballu, in su portali internet postu a dispositzioni, is duus progetus po is duus primus tirocinantis in graduatòria, cun is nùmerus 05081/01 e 05082/01 postus de s'Agentzia;
- Cun sa mail de su 08.10.2012, ns. 4007-4008 de su 08.10.2012 s'Agentzia narat ca is tirocinius gratis, po su momentu, no podint partiri, segundu sa normativa natzionali ex art. 1, puntus 34-36 de sa Lei 28 de làmpadas de su 2012, N° 92 (riforma de su mercu de su trabballu);
- Cun sa nota prot. 4023 de su 09.10.2012, s'Amministratzioni fait presenti a s'Agentzia Regionali po su Trabballu ca, mancai conoscessit sa normativa arregordada candu fiat aparicendi su progetu, at pentzau de podi andai a innantis s'ghendi is inditus generalis chi baliant in cussu momentu; cun cussa nota etotu pregontat, in casu s'Agentzia no siat de acòrdiu, de ponni su valori po sa giusta indennidadi chi iat a spetai a su tirocinanti;
- Cun sa nota prot. 5119-5120 de su 07.12.2012 s'Agentzia Regionali po su Trabballu narat ca nò a s'ativatzioni de is tirocinius 05081/01 e 05082/01, serrendi sa procedura amministrativa e ponendi in archìviu sa pràtica; ponit in 400,00 eurus su tanti mìnimu de indennidadi po su tirocinanti;

CUNSIDERAU IN PRUS ca:

- Cun sa determinatzioni de su Responsàbili de su Servìtziu po is Afàrius Generalis N° 45 de su 03.08.2012 est istètiu fatu unu bandu pùblicu po 2 tirocinius in siendas esternas, de ses mesis donniunu, cun cobertura de is ispesas po su tirocinanti de 550,00 eurus lordus, chi su Cumunu de Barrali donat a titulu de contributu;
- In data 09.08.2012 su bandu de seletzioni est istètiu publicau in s'albu pretòriu on-line de su Cumunu de Barrali;
- In custu bandu si narat ca is demandas po su tirocinu deppessint essi presentadas de su 24 de cabudanni e fintzas a mesudì de su primu de ladàmini 2012; is demandas presentadas foras de sa scadèntzia iant a essi istètias pigads in cunsideru in casu ddoi fessint ancora tirocinius disponìbilis;

- A oi no est arribbada mancu una domanda;

CONSIDERAU CA, po cantu est istètiu nau, iat essi oportunu imperai su tanti de 6.000,00 eurus, postus in su bilànciu de previsioni de s'annu 2012, no prus po is tirocinius in siendas esternas, ma po tirocinius in s'Uftziu po is Afàrius generalis de su Cumunu de Barrali, de ses mesis donniunu cun una indennidadi de 400.00 eurus lordus a su mesi;

### **PROPONIT A SA GIUNTA MUNICIPALI**

DE ponni is 6.000,00 eurus de su bilànciu de previsioni 2012 in is fundus de su Cap. 351, po fai partiri tirocinius in s'Ufitziu po is Afàrius Generalis de su Cumunu de Barrali de ses mesis donniunu cun indennidadi de 400,00 eurus lordus a su mesi.

### **SA GIUNTA MUNICIPALI**

BIA sa proposta de su Sindigu;  
CUNSIDERAU de depi procedi in mèritu;

cun totus a favori, segundu sa manera e is formas de lei

### **DELÌBERAT**

DE pigau in contu su chi est innantis;  
DE aprovai sa proposta de delibera aici cumentu est scritta.